

Closed

L.I. 19.

R
P

L
U
P


T
S

OCTIDUANA
SPIRITUS
EXERCITIA,
Cujuscunque Statūs
PERSONIS
ACCOMMODATA;

Dudum Typis evulgata,
&
nunc denuò recusa.
Cum. Permissu Superiorum.

CRACOVIAE

Typis Typographiae S.C.A.S.K.
ZAŁUSKI Ep: Crac: Prefecto
R. D. Petro Antonio Frola.
Anno Domini 1758.



ADMONITIO.

Libellus est mole, sensu liber:
Discursus non tractat, sed indicat. Cogitationes suggestit simplices, faciles, & breves ad motum idoneas. Si per negotia non vacat, diebus octo continuis immorari; divide in dies, quae in horas dispergitus sum: Satis semper invenies otii, dum voles, ad unius puncti lectionem: quae fructu majore fiet, si non percurras obiter, sed meditato singulis insistas. Studiosè pauca dedi, ut, quae ex tuo addideris, permovet magis. Si de tempore labores? indicabo. Exspectas Concionatorem in Cathedra: Sacerdotem in aram: imo tui amici adventum:

Principis accessum praestolaris? ne
mora tibi cum tædio, sine fru-
ctu dilabatur, libellum inspice,
mente potius, quam oculis, unam
aut alteram veritatem volve; Cre-
de mihi, veluti sigillum in seru, sic
vel levis recordatio, faciet aliquā
in te pietatis impressionem; At vel
maximè cùm surgis, aut cubitum
abscedis. Sententiæ ad finem cu-
juslibet exercitii appositæ, sunt ve-
lut compendium meditationis to-
tius, ceu granae essentiæ, quæ sub
parva massa magnam virtutem
continent aptæ ad nutriendam
cogitationem piam per diem, imo
per omnem vitam: Hęc utere cum
bono DEO, & in praxim, quam paucis
indico, redige cogitata ad Dei gloriam,
tuam salutem, & meum solarium.

DI-



5

DIES PRIMUS.

EXERCITIUM I

De Fide.

1. **Q**uæcunque nos docet Fides, divini Verbi nituntur authoritate. Ex ore Christi didicit Ecclesia, quæ fidelibus credenda proponit. Non est errandi deviandi que periculum, ubi viæ dux est, ipsa Veritas.

2. Quid prodest homini Christiano Fides, nisi pro regula morum ei serviat. Insanit, qui dubitat de veritate Doctrinæ, quam revelavit DEUS; tot Martyres suo signarunt sanguines tot scriptis, atque signis firma-

firmârunt Confessores; ipsi toties cæterà mendaces spiritus contrà, quâm vellent, confessi sunt. Sed is, vel maximè desipit, qui veram credit hanc esse doctrinam, & ita porrò vivit, quasi falsam esse sciret. Aliter credere, & aliter vivere, dæmonum est.

3. Fides ergo deinceps, mearum erit actionum regula, vitæ norma. Quod condemnat illa, damnabo, quantumcunque reluctetur natura. In occasionibus, Evangelij Maximas, mundi principiis opponam. Quid dicit mundus? Cedendum est respectui: parendum inclinationi: feren-

Dies primus. 7

dum nihil. Quid docet JE-
SUS Christus? serviendum so-
li DEO: ferenda propter De-
um omnia. Uter melius? an
Christus verax? an mundus
mendax?

*Age gratias DEO, quod in
vera vivas Ecclesia, tractimque
Symbolum Apostolicum volve, tan-
quam solennem fidei professionem
facturus.*

Adauge nobis fidem. Luc: 17.

Quid prodest, si quis catho-
licè credat, & gentiliter vi-
vat. Petrus Damian:

Exer-

EXERCITIUM II.*De Fine Hominis.*

1. **S**Olus DEUS est noster
Finis ultimus, qui nos
creare non potuit, nisi ad se.
Animus dicit nobis, nos non
esse factos, nisi pro DEO, dum
satiari non potest, nisi DEO.

2. Unicuique tribuendum
est, quod suum est. Simus er-
go Dei, voluntate, cuius sumus
naturâ. Nisi sponte nos ei tra-
dimus ut filios, coget nos sub-
esse velut servos. Quidquid
agas demum, sub imperio Dei,
vel patris, vel judicis viven-
dum est. Quod mavis, elige,

3. Res quævis ad suum ten-
dit

Dies primus. 9

dit finem, agitque secundum
naturam sibi congenitam.
Monstrum fortè in mundo
Phæbus, si, qui natus est in-
ferre lucem, induceret tene-
bras. Sic inutile prorsus est
cor meum, si pro solo DEO
factum, non est solius DEI.
Eja anime, exhibe te creatu-
ram Dei, quæ sit solius Dei.
Omnia tua cogitata, dicta, fa-
cta quò tendunt! Ah! quam
pauca soli DEO cogitas, di-
cis, facis? Ut quid terram oc-
cupamus, si omnia alia præter
illud agamus, propter quod
sumus in terra.

*Statue deinceps DEUM solum
in omnibus querere, nihil ipsi,
quod suum est, træpire.*

10 *Dies primus.*

Dominus meus, & DEUS
meus. *Joan: 20.*

Totum te exigit, qui totum
te fecit. *S. Aug.*

EXERCITIUM III.

De Cura Salutis.

I. **N**egotium salutis, est
proprium hominis ne-
gotium. Aliud quidvis nihili
faciendum est. Machinatio-
nes Principum, Curiarum con-
silia, conclusa, bella, commer-
cia, nugæ sunt, & inutiles tri-
cæ. Unicum & maximè ne-
cessarium est negotium, ser-
vire DEO, suamque salutem
cura-

curare. Omne bonum hominis, omnis perfectio, felicitas omnis in hoc consistit. Homo non est, qui negotium negligit tanti momenti, cuius & incerta est consecutio, & irreparabilis jaetura. Quam cæca mens est, quæ vivere semper cogitat, & nunquam cogitat vivere benè; tota fortunis inhiat, & nullam curæ partem in negotio felicitatis æternæ ponit? Quid prodest homini, si universum mundum lucretur, animæ verò suæ detrimentum patiatur?

2. Omnes reliquæ creaturæ non sunt factæ, nisi propter salutem nostram. Inutiles

12 - *Dies primus.*

Iles fiunt, dum eum in finem
non usurpantur, adeoque, cùm
primùm homo suæ saluti at-
tendere desinit; Sol lucem,
cæli motum, terra fruges, An-
geli tutelam subtrahere debé-
rent; vel potius omnes cum
ipso ad nihilum redigi crea-
turæ, cùm sit indignus vita,
qui non vivit DEO.

3. Interea plerique morta-
lium de nullo minùs, quam
de salute solliciti, curant om-
nia præter salutem. Ex om-
nibus emolumentum quæri-
tur. Pecunia, ne sit otiosa,
fænori locatur: Agri colun-
tur & vineæ, ut ferant in tem-
pore fructus suos. Omnis de-
plora-

ploratur jactura, præter eam,
quæ immenia est, & nunquam
recuperanda. Quanti pro cor-
pore sumptus, pro anima ne
labor quidem impeditur.
Quò modò vivendi ostendi-
mus, videri nobis vel animā
nostram non esse nostram, sed
inimici nostri, sed vilis be-
stia: vel nullam nos animam
possidere: vel accepisse, ut
perdamus.

*Propone tuam maximis etiam
impensis salutem accurare, &
nimum sume, quem Pontif: Be-
neditus XII. induerat. Is ne-
fas aliquod à Rege flagitatus:
Si duas, inquit, unimas habe-
rem, unam, o! Rex, tuis gra-
tias*

14

Dies primus.

tiis impenderem, sed cum unica
sit, eam tui causa perdere non volo.

Unum est necessarium. *Luc. 10.*

Ubi salutis damnum est, ibi
jam utique lucrum nullum
est. *S. Euch.*

EXERCITIUM IV.

De non differenda Conversione.

I. **N**imium differs, te tra-
dere DEO. Videris
velle manibüs ejus elabi. An
igitur malum est, bonum esse?
aut probrō ducis, probrosam
vitam abrumpere? Non po-
test venustas infinito amore
digna, citò nimis amari. Cras,
oras,

cras, cur non hodie? cur non
hâc ipsâ horâ? nunquid cras
faciliùs catenæ mæ dissolven-
tur? Eritne cras mihius du-
rum cor meum? An igitur
ignoras à tempore, quod o-
mnia debilitat, malos habitus
firmari, dilatis remediis mor-
bum ingravescere?

2. Quid impedit, quòm
nùs Deum ad pænitentiam in-
tùs & foris hortantem audias?
quid absterret? Grave est, vi-
tam deliciis innutritam in-
vertere, vitiis inolitîs desue-
scere. Fateor, si de principio
loqueris: nam verè conanti
conversio dulcescit in dies.
Et verò, quid facere grave-
tur

tur peccator, qui Deum adorat crucifixum, qui veniam sperat, paradisum expectat? Si quid est nobis, erit vel maximè formidandus ille nimius divinarum gratiarum abulus, quem comittimus differendo?

3. Differre qui possum, incertus de crastino? An ego vel unius horæ sum dominus? Quid si numerus meorum criminum hodie completus subitam Numinis proritatem vindictam? Exspectat me DEUS, sic scriptura confirmat: Possumne die crastina ad eum venire, non affirmat. Qui pa- nitentibus veniam promisit, diem crastinam non spon- dit.

dit. Fortè tempus erit adhuc,
fortè non erit. Omnis expers
est rationis, qui salutem in
casibus fortuitis fundat & con-
stituit.

*Reflecte mentem ad illud tem-
pus, quo differs te DEO trdde-
re, & ad discriminis, in quo ver-
saris, aspectum contremisce.*

Dixi, nunc cæpi. Ps. 79.
Nulla satis magna securitas,
ubi periclitatur æternitas.

S. Gregor.



Di-



DIES SECUNDUS.

EXERCITIUM I.

De Morte.

1. **M**eritò formidat mortem, qui malè vivit. O! quæ reddenda ratio post vitam mundanam & sensualem! Quantus mæror, omnes quærendæ salutis occasiones perdidisse! In peccatis suis, in Dei odio mori: o mors terribilis! o! momentum funestum, quô finiuntur gaudia temporis, & incipiunt pænæ aeternitatis.

2. Quid velle in hora mortis fecisse, nunc agam id ipsum, ne, non fecisse, me tan-

tandem pæniteat. Pretiosum
est tempus, quia incertum.
Quodlibet vitæ momentum
esse potest ultimum. Quò vi-
xeris diutiùs, eò morti vici-
nior es. Sed & juvenis spon-
sus sæpè tumulum in thalamo
reperit. Certa mors est, dies
& genus mortis incertum. Ca-
ve, ne te inveniat imparatum.

2. Quàm sunt viventis &
morientis diversa de mundi
bonis judicia! Quid terra sit,
apparet, cùm reliquenda est.
Mors consultorum optimus,
larvas rebus detrahit. Quò
migrabit hæc venustas, hæc di-
vitiae, hoc gaudium, ille plau-
sus & honor? Quod mori-
ens

20 *Dies secundus.*

ens format de omnibus hisce
judicium? Ah! quām exiguus
apparet mundus ad lucem il-
lius facis, quāe nos in agone
illuminat. Ast, dolor! erro-
ri corrigendo tempus non sup-
petet.

*Expende, quid sit, de quo po-
tissimum tibi metueres, si nunc
moriendum foret, eique quām ci-
tissimē potes, occurre. Assuece
sic actiones obire singulas, velut
postquamlibet moriturus, præcipue
Confessionem & Communionem.*

Uno tantum gradū, ego
mōisque dividimur. *I. Reg. 20.*

Christiano crastinum non
est. *Tertull.*

EX-

EXERCITIUM II.

De Judicio Extremo.

O ! Supreme Judex ! miser
ego sistendus sum aliquando tribunali tuo judi-
candus, prout gessero hac in
vita sive bonum sive malum :
Huic veritati fidem habeo
tam firmam, vivamque, velut
si tuba jam jam intonisset,
mortuos suscitatura.

2. Quid dicam ? Ubi meis
& omnium oculis patebunt
omnes cogitationes meæ pes-
simæ, facinora sceleratissima ?
O ! tremenda dies illa, dies
iræ Domini, dies magna & a-
mara valde, quando cæli mo-
vendi

22 *Dies secundus.*

vendi sunt & terra! Quid
sum miser tunc dicturus, cùm
vix justus sit securus? O! tre-
mendum judicium, in quo nec
occultatio criminis, nec ex-
cusatio locum habet, depre-
catio non auditur, appellatio
non conceditur!

3. Quam sententiam impa-
nitens peccator exspectas ab
inexorabili DEO? O fulmen
horrendum: *Ite maledicti:* Et
quò ibunt Domine, isti à te
maledicti? in quem se mundi
angulum recondent? in ignem
æternum. O funestissimum
exilium! avelli à DEO, à DEO
maledici, cum dæmonibus pa-
ti, vah! qualis hæreditas.

Ad-

Adverte, cujus te vel maximè puderet, si modo Judici Deo sistereris? & ubi sollicitaris ad peccandum, quia nemo videt, memento videre Judicem, qui revealabit omnia, etiam secretissimos cordis motus, pænitentiā non expiatos.

Ante faciem indignationis ejus, quis stabit? Nahum 1.

Vx etiam laudabili vitæ hominum, si remotâ misericordiâ discussias eam. S. Aug:



EXERCITIUM II.

De Inferno.

1. **Q**uantum nos terroreret infernus, si lamentabiles clamores damnatorum audire daretur! Suspirant, gemunt, talulant mediis in flammis, ut bellus feroce. Accusant se de peccatis, deflent, detestantur, sed ferō nimis. Eorum lachrymæ ignem, quō nunquam consumendi torrentur, accendunt, non extinguent. Pænitentia damnatorum, quam crudelis es, & quam inutilis.

2. DEUM nunquam intueri: igne infernali, cuius noster umbra est, æternum uriri:

omnis

omnis generis tormenta sine
ulla respiratione aut consola-
tione, simul perpeti: Dæmo-
nes in oculis, furorem ac de-
sperationem in animo semper
habere, qualis vita!

. 3. Freudent infelices illi,
tet à se neglectas obtainendæ
salutis occasiones. Prateri-
torum gaudiorum ac volu-
ptatum memoria, vehemen-
tissimè præfens eorum tormen-
tum acuit. Nihil verò cru-
ciat illos magis, quam quod
suā culpâ perditi, DEI re-
cordationem excutere non
possint.

*Defende vivens in infernum,
ex damnatis quære, quam miser
B eorum*

26

Dies secundus.

eorum sit status? quid eos illuc
præcipites egerit? eorumque da-
mno disce DEUM timere, ac
periculum, in quo versaris, formi-
dare.

Quis poterit habitare de-
vobis cum igne devorante?

Isaiæ 33.

Ardor gehennæ ardorem
extinguit luxuriæ S. Isidor
Pelus.

EXERCITIUM IV.

De Æternitate Pœnarum inferni.

I. **A**N potest ulterius divi-
nus se rigor extende-
re, quam, ut gaudia tam flui-
xa, suppliciis nunquam ter-
minan-

minandis castiget: Esse infelicem, quamdiu DEUS erit DEUS, heu quanta infelicitas! An non satis est, summos esse damnatorum cruciatus, ut esse oporteat etiam æternos! Unius aviculæ punctura, (quàm leve malum!) si duraret semper, evaderet intolerabile. Quid igitur futurum?

2. O! æternitas! æternitas! si damnatus totô funderet sæculô non nisi unicum lachrymulam, ubi tamen tot lachrymas effudisset, quot omnium flaviornum ac marium alveis implendis sufficerent, post tot annorum millions non plûs

profecisset, ac si pñnarum æternitatem hodiè primùm inchoaret. Omnes àeris atomi, littorum arenæ, sylvarum folia, animantium pili, numerando finiuntur: non decrevit æternitas, quantos, quantos annorum millions ab ea subtraxeris.

3. Damnati non tantum per omnem æternitatem acerbissimè cruciantur, sed eos ipsa cruciat singulis momentis æternitas. Æternitas ipsis semper objicitur, in omnes eorum pñnas ingreditur; semper animo volvunt: quos patimur cruciatus, nunquam finientur. O! cogitatio crudelis!

Dies secundus.

29

Iis! O! status lamentabilis;
æternum lugere, æternum uriri;
frendere æternum, ac furere!
Ah, si hoc ita, velut damna-
ti concipiunt, caperemus!

Elice actum fidei, de pænarum
æternitate, quibūs peccatum mor-
tale vel unicum justitia divina
punit. Horrendum hominis ma-
lum est, infelicem æternitatem
non nisi per experientiam pro-
priam edoceri.

Ibit homo in domum æter-
nitatis suæ. *Ecclesiastes 12.*

Momentaneum quod dele-
stat; æternum quod cruciat.
S. Augustinus.



DIES TERTIUS.

EXERCITIUM I.

De horrore peccati.

1. **Q**uanta jactura est, Deum perdidisse! Se credunt infelices, qui, bonis ex se cæduca-
tis, per litem, aut aliud infortunium exciderunt; quid erit igitur, infinitum bonum perdidisse? Infelix anima, quæ Deum amittit peccando! at infelior, quæ cætera perdi-
ta querit, de solo DEO amisso non dolet.

2. O! peccatum, quām es frequens inter homines, at quām ignotum simul! Luden-
do jocandóque te reum facis execrationis divinæ: quām se-
rius

rius est iste lusus, jocus quām
infacetus; DEUS etsi merus
amor, odit peccatum infinitē;
nec minus peccatorem. Pa-
rum odiſſe, est parum mali
velle: ad mortem odiſſe, est
velle mortem: sed infinitē
odiſſe, est sic odiſſe, ut ne-
queat comprehendendi. Quid ti-
mebis tandem, obstinate, si
horrendum istud DEI summē
potentis odium non formides?

3. Spectaculum horrore
plenissimum est, spectaculum
montis Calvariæ. Interim ani-
mæ divinâ gratiâ spoliatae sta-
tus horribilior est illa mori-
entis in ligno catastrophâ. JE-
SUS non moritur, nisi ut pec-

B 4. catum.

catum extirpet. Plus abhor-
ruit à peccato, quām à sup-
plicio.

*Concipe verum de peccatis do-
lorem. Inter omnes jacturas, so-
la gratiæ jactura deflenda est,
quia hæc unica per lachrymas
resarciri potest.*

*Quem fructum habuistis
in illis, in quibus nunc eru-
bescitis? Rom: 6.*

*Væ animæ audaci, quæ spe-
ravit, si à te recessisset, se ali-
quid melius habituram.*

S. Aug:



EX.

EXERCITIUM II.

De fuga peccati venialis.

1. **Q**uis poterit inire numerum venialium nostrarum, in quas per omnem vitam incidisti? Credis, quod ideo leves sint, quia multæ sunt? At nosti Theologorum esse sententiam, si mortales omnes unius jocosi mendaciorum beneficiorum salvari possent, haud tamen probaturum esse DEUM, fieri malum intuitu nostro tam tenue, ut eveniat bonum tantum. Et tu propter nugas, respectus, & timores humanos bibis, velut aquam, iniuriam?

2. Leves excessus s^æp^et sunt periculosi, sternuntque viam ad graviores, & denique ad exitum sempiternum. Nimiū tibi ipsi præfidis, cūm putas te staturum in parvis, in gran- dia non prolapsurum. Non es constantior, nec sanctior Davide, quem levis aspectus in amores impuros, & cædem innocentis protraxit. Quamvis & hoc servile sit inge- nium, vitare tantū ea, quæ sub capitib^s p^æna prohibentur, cūm filii vel minima vitent, quod DEO ita gratum esse sciant.

3. Peccatum etiam leve non manet impunitum. Nisi f^{er}nitens

nitens hac in vita lachrymis,
DEUS judicans igne post hanc
vitam expiabit. Dic, quô pre-
tiô vivus exuri velles? Nul-
lô inquis. Et tamen huic te
periculo ob exigua sensuum
oble&tamenta exponis? fervo-
rem imminuis, divinam tibi,
tuisque benedictionem sub-
trahis.

*Si sapi, nihil aestima parvum,
quô scis magnum, imo ter maxi-
mum, & optimum Deum offendit.*

*Qui spernit modica, paula-
tim decidet. Eccl. 15.*

Mens Deo dicata sic caveat
minora vitia, ut majora.

S. Bern:

EXERCITIUM III.

De usu temporis.

1. **U**bi sunt dies vitæ tuæ,
nunquid transierunt
sicuti fumus, qui disparuit.
Ex tot annis vitæ, medium par-
tem somno, tertiam negotiis,
lusibus, vitiis dedimus, vix
millesimam DEO. Tam bre-
vis est hæc vita, quam tamen
ita prodigimus, quasi vel nun-
quam illa finiretur, vel in ea
nihil agendum restaret.

2. Pretium temporis nove-
runt, qui amiserunt. O! si
damnatus epulo vel unicum
haberet momentum, quām
illud impenderet fructuosè..

Ve-

Veniam Petrus, gratiam Paulus, Latro gloriam lucrati sunt tempore non multo. Tu nondinarum observas tempus accuratè, meritorum occasiones negligis. Erit fortè, cùm inducias flagitabis usque manè, sed tempus non erit ampliùs.

3. Ille dies non est optimè collocatus, quô negotia tua maximè promovisti, divitias plurimùm accumulâsti: sed ille, quô plús meriti comparâsti, DEO pleniùs satisfeci-
sti. Sic age quâvis horâ, ut quid agas, rogatus, verè subdas: DEO, saluti, æternitati labore.

*Altè animo tuo imprime: Tem-
pus*

*pus omne, quod propter Deum
non impendis, esse perditum:
sed & consociis tuis otiosè con-
fabulantibus inclama: Amici,
diem perdimus.*

Deus nemini dedit spatium
peccandi. *Eccl. 15.*

Vacat tibi, ut Philosophus
sis, non vacat tibi, ut Chri-
stianus sis. *S. Paulus.*

EXERCITIUM IV.

De usu Gratiarum.

I. **N**ULLAM habemus gra-
tiam, nisi quam san-
guinis sui pretiò nobis com-
paravit JESUS, & pro no-
bis à Patre petiit exspirans
in

in Cruce. Hinc datam è cælo cogitationem bonam negligere, piam inspirationem suffocare, est JESU Christi sanguinem proculcare, est mortis Domini fructum inutiliter facere.

2. DEO sumus obstricti, non eas tātūm ob gratias, quas obtinuimus, sed & ob illas, quas elargitus esset, nisi possemus obicem. Luente Sole si fenestras oppandiimus, non ille radios à nobis, sed nos avertimus, in quorum libertate positum erat, iis uti.

3. Fortè plures anni sunt vicenīs, quibūs ad pium opus instigamur, & nondum obse-

qui-

quimur. Quamdiu scholam
S. Spiritus frequentabimus
absque profectu? toties invi-
tamur promissis, minis urge-
mur: & præstamus nihil. Cre-
de mihi, exactus Creditor
est DEUS. Exiget abs te ta-
lenta cum fænore. Cur pecu-
niam Domini tui abscondis?

*Age gratias Spiritui Sancto,
pro omnibus; quas tibi largitus
est, gratiis. Pete veniam de ne-
glectis. Audi modo, quod sugge-
rit, & time, ne tibi toties surdo
nihil porro loquatur.*

Cui multum datum est, mul-
tum queretur ab eo. *Luc. 12.*

Gratiæ sequitur judicium.

S. Basil.

DI-

DIES QUARTUS.

EXERCITIUM I.

De usu Sacramentorum.

1. SACRAMENTA, canales sunt,
per quos pretiolus sanguis, & merita Christi Domini ad nos devolvuntur. Scaturigines sunt gratiarum saluti nostrae maxime necessariarum. Qui Sacrementis abutitur, Christi merita reddit inania, sibique salutem facit impossibilem.

2. Abuti Sacrementis, est eorum effectum per malam ad ea dispositionem impeditire. Quanti causa timoris est, tot fecisse confessiones sine ulla con-

conversione; Cibô Divino toties refectum esse, vitam nihilominus ducere brutalem! Christianus, qui semel dignè sacram Eucharistiam percipit, pares Martyrio subeundo vires accipit. Quid cogitas?

3. Quod maximè dolendum est, dum Christi Domini corpus absque vero peccatorum dolore suscipimus, iudicium nobis secundùm Pauli verba manducamus, & nostram, ut sic loquar, incorporamus damnationem. Quid ages, cùm erit reparatio facienda JESU Christi tangui- ni, toties indignis & sacrilegis cōmunionibūs profanato?

Con-

Dies quartus. 43

Considera, quinam sint defectus
Confessionum & Communionum tu-
arum, & confer cum dispositio-
ne sancta cuiusdam anime, sic ad
ea mysteria se referentis, velut
iis perceptis subito esset Judici-
sistenda.

Probet autem seipsum ho-
mo. I. Cor: II.

Penitentibus dico, quid
prodest, quia humiliamini, si
non mutamini. S. August:

EXERCITIUM II.

De Sacro.

I. **S**acrum, est representatio
ac renovatio Sacrificii
Crucis, sitque in templis quo-
tidiè, quod in Calvaria factum
fuit.

semel. Nihil DEO gratiūs ferē
cero, quām ubi Divino huius
Sacrificio adstitero. Ut verē
intersim Christianē, Sacerdo-
tis me intentionibus jungere app-
meas oportebit, & DEO Pa-
tri Filium offerre, vel potius
cor meum Christi cordi, uni-
cē, simulque præsentare.

2. Deum singulis penē mo-
mentis offendimus, & pñas
infinitas nostris promeremur
criminibūs. Quomodo justi-
tiæ Dei satisfiet, nisi Domini
nostrī cruciatus in supplemen-
tum offerimus? Omnes pñ-
nitentium austeritates, omnes
Martyrum cruciatus, omnes
miserorum afflictiones, vel mi-
nimūm

si nimum peccati debitum extinguere non possunt sine Cru-
vercis Sacrificio, cuius merita
nobiſ per Missæ Sacrificium
applicantur.

Pa 3. DEUS tot in mundo sce-
tiū lera pati non posset, niſi in
ni medio Urbium perditissima-
no rum toties Filium suum ad
nā aras nostras immolatum cer-
nueret. Hujus amandissimæ vi-
tū alpeſtus vibratum ju-
ſtitiæ gladium inhibet. Si cri-
mina nostra vindictam cla-
mant, effusus JESU Christi
anguis misericordiam repo-
ſcit, & impetrat. DEI Filium
ſub hoc vietiæ ſtatū ſepiuſ
adoremus, & oblationes no-
ſtras

46 *Dies quartus.*

stras ei deferamus. Quàm nobis, & ipsi probrosum est, quòd toties in templis solus relinquitur, dum aulæ Principum mundanorum turmis Procerū inundantur.

Statue sacrum audire quotidie, idq; cum omni debita Sacrificio tam augusto reverentia. Sic ad templum, velut ad Calvariam accede morienti Christo adestiturus.

In omni loco sacrificatur, & offertur Nomiⁿi meo oblatio munda. *Malach. I.*

Tunc verò pro nobis hostia erit DEO, cùm nosmet-ipsos hostiam fecerimus.

S. Gregor:

EX.

EXERCITIUM III.

De Eleemosyna.

1. **Q**UAM Christo Domino sumus obligati, quod nobis, occasionem sibi beneficiandi praebuerit, substitutis in sui locum pauperibus. In Eucharistia est, ut adorationes nostras excipiat, seque fidelibus praebat in cibum. Est in pauperibus, ut nostram commiserationem eliciat, & à fidelibus nutritatur. Beatus homo, qui Christo Eleemosynam donat; infelix, qui negat. Cani tuo praebes alimenta, IESUM crucias inedia? Quanta hæc injuria! barbaries quanta!

2. Quod Magnatibus im-
penditur, ut plurimum per-
ditum est: quod DEO, nun-
quam. Omnia reddit ^{cum} d
fænore; liberaliter compen-
sat etiam haustum frigidæ.
Luxus, lusus, dissolutio, in-
gluvies mille domos rededit
ad incitas; Eleemosyna nul-
lam. Singularis ars est acqui-
rendi bona, egenis benefa-
cere.

3. In die judicij juxta men-
suram & numerum Eleemo-
synarum judicabimur. Quid
tot parci Eucliones accusa-
tioibus pauperum, Christi
Judicis exprobrationibus re-
spondebunt? Ite maledicti
in

i in ignem æternum, quia es-
rivi, & non dedisti mihi man-
ducare ; nudus fui, & non me
cooperuistis, &c. Animus in
pauperes durus, est animus
reprobi : benignus in paupe-
res, prædestinati. Quid pote-
rit contra nos dicere Jūdex
noster, si vestes, panes, pecu-
nias nostras suis in manibus
conspiciet ? Non est, quod
Judicem formides, si causam
tuam pauperes egerint.

Considera, quem geras in ege-
nos animum ? An velut Christi
Fratres, & membra aspicias, &
tractes.

Faneratur Domino, qui mi-
seretur pauperis Prov: 19.

C

Da-

Date omnibus, ne, cui non
dederitis, ipse sit Christus.

S. Aug:

EXERCITIUM IV.

De Exemplo.

I. PLures animas malum exemplum damnavit, quām omnes unquam sancti perduxerint ad salutem. Si pateret infernus, vix una foret anima, quæ non huic, aut illi suam adscriberet damnationem. Jubemur inimicos diligere, cur animas nobis amicas occidimus? Qui usque adeò fuit infelix, ut animas DEI sanguine redemptas in damnationem perpetravit,

xerit, habet, quod meritò suæ
saluti timet. Quid à Christo
JESU sperare possumus, ubi,
quod tanti ei constitit, ipsi
præripuimus?

2. O! Patres & Matres, qui
parùm vivitis christianè! Præ-
staret unquam fuisse natos,
qui sunt è vobis liberi! Vi-
tam iis mortalem datis, & eri-
pitis immortalem? Quando
suam illi beatitudinem in die
judicij reposcent à vobis, quid
respondebitis?

3. Induamur Dominum no-
strum JESUM Christum: Ejus
Spiritus, regimen, virtutes,
vivendi norma in nobis agno-
scantur; ut ex intuitu nostri

nascatur ejus recordatio. Non
minus fraternæ saluti per vi-
tam exemplarem, quam per
scandalosam fraternæ damna-
tioni conducimus.

*Adverte, quid in te sit, quod
offensionem proximo præbere pos-
sit, & cave, ne criminum alieno-
rum pondere opprimaris, satis a-
mo e propriorum gravatus.*

Vx homini, per quem scan-
dalum venit. Matth: 8.

Pro tantis reus, quantos se-
cum traxerit in reatum.

Salvianus.



DI-

DIES QUINTUS.

EXERCITIUM I.

De præsentia DEI.

I. D E U S ita me nunc aspi-
cit, ut si solus in mun-
do forem: Vel potius in me
residet, velut oculus infinitè
illuminatus, qui me observat
in omnibus, cui nihil non per-
spectum evadit. Èadem me
visione videt, quâ semetipsum
comprehendit, tamque forti
ac intentâ mentis applicatio-
ne fertur ad me observandum,
& funditus perspiciendum,
quasi cessaret à propria sui
contemplatione. Hoc ego cre-
do, & Deum ita in me præ-
sentem & agentem adoro. 2.

2. Millies mihi probrosius est, si peccata mea divinis oculis appareant, quām si mundo universo palām expenerentur aspicienda. Vellētne coram famulo patrare, quod in Regis Regum conspectu facere non erubescis? Quāc cæcitas! adeò mundi oculos horrere, & Divinos tam pa-rūm vereri?

3. Omnes noctis tenebræ non sunt adeò densæ, ut nos oculo Divino tegant. Loca desertissima, recessus obscurissimi divina pleni sunt Majestate. Frustrè hominum confortia fugiuntur & oculi. Ubi què DEUS reperitur.

Enī.

Enitere DEI præsentis memoriā animo tuo semper impressam habere. Remedium est contra peccata præsentissimum: DEUS me videt. Hoc sufficit, ut dum feret passio cohibeamur.

Oculi mei semper ad Dominum. Psal. 24.

Si peccare vis, quære ubi non te videat DEUS, & fac quod vis. S. August:

EXERCITIUM II.

De confidentia in Deum.

I. **H**omo confidit sanitatem suam medico, littem advocato, vitamque, si cæcus sit, puero vel cani. Et

C 4 erit

56 *Dies quintus,*
erit difficile nobis nostra com-
mittere DEO?

2. Providentia Divina for-
micas etiam & culices alit,
& tegit, cur formident animæ
ad Imaginem DEI creatæ, &
Christi JESU sanguine redem-
ptæ? DEUS paganos, sui igna-
ros, nutrit: gratiis cumulat,
erga Sacrosanctum Nomen su-
um blasphemos; Quid pro
Christianis se honorantibus,
atque amantibus non faciet?

3. Res nostræ multò melius
in DEI manibus, quam in no-
stris sunt positæ. Illum siña-
mus agere, Pater est. Efficiet
ingens ejus erga filios amor,
ut ubique nobis consulat. No-
bis

bis suam ad stipulatus est protectionem, verbô non deerit. Cælum prius & terra peribunt, quâm DEUS hominem in se confidentem perire sinat.

*Examina Cor tuum, an Christi meritis & Divinæ bonitati si-
ne metu confidat.*

DEUS meus es tu: in ma-
nibus tuis fortes meæ. Ps. 30.

Projce te in eum: non se
subtrahet, ut cadas. S. Aug:

EXERCITIUM III.

De diffidentia sui.

I. **N**ihil habet homo seipso
timendum magis. In-
firmitas propria plùs ei timo-
ris,

ris, quām omnes infernæ potestates incutere debent. Unō verbō, unō suspiriō, unō aspetū prosterni potes. Adam peccavit: Salomon DEI oblitus est: S. Petrus Christum Dominum abnegavit. Quid arundinibus fiet, si cedros minimus venti flatus terræ alli lat?

2. Homo səpissimē non lassitus vincitur: Nostræ passiones, nostrique sensus omnī momentō in nos conspirant. Ipsum cor nostrum est inimicorum omnium maximē damnosum. Qui persecutionibūs prosterni non poterant, in deserto suâ sponte lapsi sunt,

Post-

Postquam tyranos & dæmones
vicerant, suis cupiditatibus
succubuerunt. Cave, ne tibi-
metipsi nimiū blandiaris.

3. Sanctissimi Viri ad pri-
mam de rebus animæ suæ con-
siderationem intremuere. Au-
diti sunt frequenter suspira-
re Anachoretæ, ac pænitentes
in hora mortis, de formidan-
dis justitiae divinæ decretis,
quid essent, aut quid esse pos-
sent ignari, cum metu & tre-
more suam operabantur sa-
lutem. Unicum momentum
potest sanctum in reprobum
convertere.

Itaque dic cum S. Philippo
Nerio; Domine, cave tibi à me
C6 hodie

bodie, nam si me mihi relinquas, te
prodam. Prævide occasiones, eas-
que periculo maximè obnoxias
puta, à quibus nihil tibi timen-
dum arbitraris.

Qui se existimat stare, vi-
deat, ne cadat. *1. Cor. 19.*

Quamvis sis in tuto, noli
esse securus. *S. Aug.*

EXERCITIUM IV.

De respectibus humanis.

I. **M**undus loquitur? sine
loqui, & obloqui;
Stultorum discursus, quod mi-
nus sapias, efficere non de-
bent. At, quid dicent homi-
nes? Diceris Deum præ ho-
mini-

minibus timere: Etiam solutissimæ vitæ mortales te clam & stimabunt & sibi dicent: hoc te meritò facere. Porrò quid interest, quæ de te dicantur: dummodo satisfeceris officio tuo, nec DEUS aliud à te requirat.

2. Quale dedecus est! Eribelcere Evangelium, & ejus sequelam sibi ducere pudori! Honorari credimur, cùm gentilitios Principum colores gestamus, & insignia Christi palam ferre verecundamur? Villissimi artifices sui faciunt operis professionem publicam, & Christianos pudet videri Christianos? Qui Filium DEI coram

ram hominibus erubuerit con-
fiteri, erubescet & illum ipse
confiteri coram Patre suo.

3. Et verò, Sanctissime JE-
SU, erubescendum aliquid sit
in te? Numquid infame tu-
um est nomen? aut probro-
sum, Maximas tuas, & exem-
pla tua consecatari? Glorian-
tur impii se blasphemos, com-
messatores, impudicos esse, te
hominem esse frugi pudebit?
Quidquid frendeat mundus
& Erebus, honestissimus est is
mundo, qui DEO fidelissimè
servit, & qui apertissimam al-
tissimamque facit eidem servi-
endi professionem.

*Pete à te ipso: an illud mun-
di*

ti phantasma te non absterreat
ab officio hominis Christiani?

Non erubesco Evangelium.
Rom. I.

Quid times fronti tuæ, quam
signo crucis armasti? *S. Aug:*

DIES SEXTUS.

EXERCITIUM I.

De amore Dei.

I. **D**EUS ita dilexit nos, ut
Filium suum unige-
nitum daret. Si quid habuif-
set melius, dedisset. Nun-
quid sat cardo emitur amor
noster, si hoc ematur pretio?
Finita bonitas sui amorem
provocat! non amavero infi-
nitam?

nitam? Ah! an quia est infinita, desinit esse amore digna?

2. DEUS meum reposcit amorem; Estne mandatum nimis rigidum, venustatem infinitè amabilem diligere? flagitat ut amem ex toto corde; Pro tanto DEO, tam vile cor rependere, an existimas iniquum? sed qui dicit totum, nihil excipit: quamlibet partem dederim, nisi totum donavero, nihil do.

3. Si finiri posset æternitas, etiam dæmonum judiciō, inferni pænis emi posset gratia Dei amandi. Nullus damatorum est, qui se beatum non existimaret, si post innumera dolo-

dolorum iacula, unicum amo-
ris actum posset elicere. Po-
tes, si velis, & nullo quidem
dolore Deum amare toties.
Id posse, & non facere, ma-
jum est inferno majus.

*Abjice omnem amorem alium
ab amore DEI, quamque potes
intensissime & saepissime Deum di-
lige super omnia.*

Si charitatem non habuero,
nihil sum. *I. Cor. 13.*

Si amare pigebat, redama-
re non pigeat. *S. Aug.*

EXERCITIUM II.

De amore Christi.

I. **N**ihil unquam tanti con-
stitut, quanti anima
mea,

mea, cuius pretium fuit vita
divina. Infernum promeritus
fueram: Dæmon, & omnes
creaturæ meorum criminum
vindictam exposcebant: Ni-
hil exaudivit DEUS, quām
Cor JESU, quod pro me gra-
tiam flagitabat, & ne flagita-
ret gratis, pro me redimen-
do guttas omnes sanguinis ef-
fundebat. Unde, licet DEI
Creatoris mei non essem, fo-
rem tamen JESU Christi Re-
demtoris mei. Minimum,
quod præstare teneor, est, ut
aceptæ gratiæ gratus existā,
si vitam pro vita non repen-
dero, amorem saltem amori
referam.

2. Dum

2. Dum cani os exsuccum
porrigo, pro bono tam futili
suum mihi reddit obsequi-
um, fidelitatem & custodiam.
JESUS Christus sua merita,
gratias suas, suum etiam san-
guinem mihi largitus est, &
etiamnum sine affectu perdu-
ro! Disce ingrata anima, di-
isce, vel à bestia tui partes
officii: Canis tuus, judex tu-
us est, & instructor: Cujus,
si ductum non sequeris, non
ratione tantum, sed etiam sen-
su cares.

3. Amicis cæteris animum
sat facilem ostendimus, eo-
rum in nos officia mutuis ob-
sequiis non demereri, minùs
urba-

68 *Dies sextus.*

urbanum ducimus. Solus igitur Christus erit, qui nos induratos & ingratos experatur? Et quis amicorum nostrorum pro nobis crucifixus est?

Pete Christi amorem ab ipso Christo, qui nequit amari sine sua gratia.

Si quis non amat Dominum nostrum JESUM Christum, anathema sit. *1. Cor: 16.*

Si totum me debeo, pro me facto, quid addam pro refecto, & refecto hoc modō,

S. Bern:

EX-

EXERCITIUM III.

De amore Proximi.

qui proximum verè non amat, nec Dèum amat vere. Quidquid egerimus boni, nihil egimus, si non amavimus fratres nostros. Ipsum martyrium sine dilectione proximi DEUS aversatur.

2. Hoc est mandatum meum, ajebat JESUS, ut sicut ego dilexi vos, ita & vos invicem diligatis. Licet in homine nihil esset amore dignum, nisi quod à Christo fuerit dilectus, nonne sufficeret, ut eum amares ex corde. Delicatus fuero, si id amare non possum, quod Salvator meus plus leipo dilexit.

3. An sic omnes diligo, si
cum dilexit me JESUS? ut pro
singulis, etiam infimis sortis
hominibus, paratus sim for-
tunas & vitam profundere?
O! ratam in Christi fidelibus
pietatem? & tamen haec est de
Christi, ac verorum Christiani
norum pietas.

*Excita in te affectus tenero-
merga eum, quem tam tenere JE-
SUS amavit, propone, nihil age
re, quod laedat proximi chari-
tatem.*

Qui diligit proximum, le-
gem implevit. *Rom: 13.*

Dilectio sola discernit in
ter filios Dei, & filios diabo-
li. *S. August:*

EX-

EXERCITIUM IV.

De amore Inimicorum.

1. **C**hristianæ Fidei tam est propria charitas, ut & inimicos diligere teneamur JESUS Christus & præceptum dedit & exemplum. DEUS est, qui præcipit, & parentus inviti? DEUS tuæ mortis ignominiam & diritatem tortoribus dimittit, & nos fratribus nostris leves injuriolas remittere non poterimus?

2. Dimittite, & dimittetur vobis. Non parcenti non parceret DEUS. Christianus, qui vindictam spirat, quoties Orationem Dominicam recitat, toties ore se proprio condemnat.

mnat. Vel amandi nobis sunt
inimici nostri, vel nos ipsi no-
bis odio habendi.

3. Duo Christiani odio se-
se invicem infestantes, non su-
videntur ejusdem esse religio-
nis. Quomodo enim eadem
aras accedant, eundem cibum
manducent, idem cælum &
eandem sperent æternitatē, qui
se mutuo nec ferre, nec aspi-
cere possunt. Solos dæmones
odisse licet, & non est, nisi
dæmoniorum mutuis se odii
confidere. Vindictæ spiritus,
malignorum spirituum chara-
cter est.

Quam ergo indignum est homi-
ne Christiano, oaisse, & persequi-
cum, pro quo Christus mortuus est?

Qui

Dies septimus. 73

Qui odit fratrem suum, homicida est. *i. Joan.* 3.

Vindicari vis Christianus?
nondum vindicatus est Christus. *S. August.*

43. *****
DIES SEPTIMUS.

EXERCITIUM I.

De imitatione Salvatoris nostri.

I. PRimus homo perire, quod
Dei similitudinem affestaret: Modò salvari nemo
potest, nisi Filio Dei similis
evadat. Ex quo Deus homo
factus est, exemplar virtutum
nobis exhibet, cui nostram
conformatus. Christus præ-
desti-

74

Dies septimus.

destinatōrum Captit est. Re-
probus est omnis, qui non est
ei similis.

2. Mundi novitates tanta
curā inquiruntur: in Christi
vitam nulla fit reflexio. Suo-
rum Principum mores etiam
fædos æmulantur aulici, suo-
rum præceptorum defectus
imbibunt discipuli. An un-
quam Christi Domini mei,
Magistri mei virtutes imitari
seriò cogitavi! Proh pudor!
me nec pedem movisse, ut
ejus vestigia sequerer! Quàm
triumphat Dæmon, se plures
habere asseclas, quos perdat,
quàm Christus sequaces nu-
meret, quos coronet!

3. Quid

3. Quid dicam in die novissimo, cùm Christo exemplari conferetur imago vitæ, quam pinxi? ubi ejus humilitas meo fastui, ejus vulnera meis voluptatibus, ejus mansuetudo meis furiis opponetur? Ab! quale monstrum Christianus abique Christi mortibus! Baptizatus, & Dæmonis mancipium sub crucis vexillo carnis assecata! Vel igitur & baptismo tuo & Christianæ professioni abrenuntia, vel etiam tuam, vitæ Christi Salvatoris conformem redde. Aut nomen muta, aut mores.

Putasne, quod ex actionibus tuis Christi discipulus agnosci pos-

D e sis?

76 *Dies septimus.*

*fis? Ubi vestigium aliquod in
te Filii Dei retinet?*

Magister, sequar te, quo-
cunque ieris. *Math. 8.*

Sinè causa sum Christianus,
si Christum non sequor. *S. Ber-*

EXERCITIUM II.

De pietate erga B. Virginem.

I. **M**Erito mihi cor è fibris
nevulsero, si geram il-
lud erga Mariam indevotum.
Quisquis illam non amat, nec
vivere meretur, nec amare
quidquam. Non potuit Deus
puram creaturam hâc mélio-
rem condere. Dei Mater est,
ut possit; Tua Mater est, ut
velit

velit tibi prodesse. Quin igitur salutas, obsecras, veneraris, diligis Mariam?

2. Si sensus omnis, omnis ardor pietatis, (quod DEUS avertat,) in me refrixerit, amoris tamen in Mariam scintillas fovere connitar: Scio fore, ut illius ope conversionis veræ gratiam consequar. In omnibus periculis, persecutionibus, temptationibus, sub tuum præsidium configiam, o! Maria: Licet propè stygi immersus, in te sperabo, Regina cæli. Perire non potest, qui brachiis tuis immoritur.

3. Ut te tibi monstreret Mater, exhibe te filium. Ille

usu\$ Officii Mariani laudatissimus apud multos defloruit; Corollæ rosarum Marianarum ferè tantū in manibus illiteratorum circumferuntur. Ita Christianus, cui DEUS moriens suam Matrem commendavit, recipit in sua? Tunc te perditum arbitrabor, cùm Mariæ servire desieris.

Consecra te totum de novo Mariæ, ejusque servitio mancipatus; dic ex animo:

Dominare tu nostri, & Filius tuus. *Jud. 8.*

MARIA! O! Nomen, sub quo nemini desperandum.

S. August.

EX-

EXERCITIUM III.*De imitatione Sanctorum.*

I. PRæter duo Luminaria magna JESUM & MARIMAM, DEUS tot Sanctos, quot stellas in mundo posuit, ut essent tibi viæ duces, ac comites ad terram sanctam. An attendis? an sequeris? lapidati sunt, seeti sunt, tentati sunt, in occisione gladii mortui sunt. En quanta ab aliis passi! circuiérunt in melotis, egentes, afficti. Et quam sibimetipsis vim intulerint, ut pervenirent ad sanctitatem! Tu sanctus esse vis sìne labore, sìne dolore, nullò

negotiō tuō, per solam DEI
gratiam.

2. Sancti fuerunt ex eadem
massa, qua nos sumus. Elias
erat homo similis nobis, paſ-
ſibilis, sed & multi primū
peccatores, Matthæi, Magda-
lenæ: periculis peccandi pro-
ximis expositi, temptationibūs
Inrernis externisque fatigati.
Quales nihilominus per cō-
perationem cum Dei gratia
evalerunt? Tu quem te futu-
rum speres, sic agendo ut agis?
æmulare charismata meliora.
Quantumvis infirma sit natu-
ra, gratia Domini confortabit
eam.

3. Nemo repente fit sanctus.

Suos

Suos habet gradus perfectio.
Si volare non potes ad ardua
repere tamen potes à mini-
mis ad majora; si quot men-
sibus unum excinderes vi-
tium, unam animo virtutem
insereres, sub anni finem jam
fores inter exempla. Quid a-
liud abs te postulant Patroni
menstrui? quorum laetimo-
niam mirari potes, imitari
debes.

*Vitas Sanctorum diligenter
evolve, illorumque mores in te ef-
finos. Patrocinium item eorum
assidue implora, ut habeas eos in
necessitatibus amicos.*

*Imitatores mei estote, sicut
& ego Christi 1. Cor: 4.*

D 5

Quod

Quod potuerunt isti & istæ,
tu non poteris? S. August:

EXERCITIUM IV.

De Paradiso.

1. PARADISUS O! magnum
nomen! qui Paradisum
nominat, dicit exterminatio-
niem omnium malorum, bo-
norum omnium congregatio-
nem, specimen magnificentię
Dei, preium sanguinis Chri-
sti, expletionem omnium hu-
mani cordis desideriorum, &
his omnibus majora. Nun-
quid eò anhelas? Nisi vide-
dero conatus tuos, nō credam.

2. DEUM intueri clarè;
sicut

sicut est in se, in gloria sua:
Deum amare sinè mensura, &
modò: Deum possidere sinè
metu jacturæ, hoc est, quod
spero. Ah! quatuor tantum
restant peregrinationis meæ
dies, & tunc morabor æter-
num cum eo, quem diligit
cor meum!

3. Quid refert, ubi tandem
& quomodo his in terris simus,
dummodo per totam æterni-
tatem in gloria cum JESU &
MARIA simus; poterone ju-
re conqueri, quòd felicitas
infinita non sinè laboris pre-
tio mihi vendatur! Tot Mar-
tyres suo sanguine cælum e-
mérunt, & crediderunt inte-

84 *Dies septimus.*

reà, se gratis accepisse. Ah!
felix æternitas! si saperent ho-
mines, & intelligeret te! quām
forderet illis terra!

*Excita magnum in te beati-
tudinis acquirendæ desiderium.
Cogitans de Paradiso, nihil in
mundo vel admiraberis, vel ti-
mebis.*

Satiabor, cùm apparuerit
glòria tua. *Psal. 16.*

Si labor terret, merces in-
vitet. *S. Ber:*



DI-

DIES OCTAVUS.

EXERCITIUM I.

De malis tolerandis.

1. Mitatores Christi non sumus, ut dissoluamus gaudiis opibūs abundemus. Si sic vivendum erat, relinquentibus fuerat mundus, ut antè sub imperio passionum & opinionum. Christiana lex, & vita mortificationem docet & pænitentiam. Qui crucem non amat, fidei renuntiet.

2. Quid ait Evangelium?
Beati qui lugent. Vx vobis qui ridetis in hoc mundo, pleni solatiās terrenis. Hæc est lingua Spiritus Sancti, quæ multis

multis barbara videtur, & in sola Canada ac Japonia intelligitur: Ubi fideles ad Martyrium festinant. Articulus pñnarum sacrâ paginâ vix non expungendus est in Europa. Credimusne felicitatem hujus vitæ consiltere in lachrymis, & miseros esse divites, potentes, &c.? Profectò sic obligaris ad hoc credendum, velut ad quidvis aliud.

3. Oportuit pati Christum, & ita intrare in gloriam suam. Omnes Sancti per viam Crucis, per doloris tramitem ad cælum peryenerunt. Sperásne gratis id tibi donandum, quod Dei Filio, ejusque Sanctis tan-
ti ste-

stetit? Crux electorum est
nota. Per spineam Coronam,
aurea obtinetur. Reprobus est
omnis impatiens. Patiendum
est vel in altera vita. O! Do-
mine! Hic ure, hic seca, dum-
modo in æternum parcas.

*Adora Christum Crucifixum,
& ab eo patientiæ virtutem exora.
Si compassus ei fueris, conre-
gnabis.*

*Qui non bajulat crucem
suam, non est me dignus.*

Luc. 14.

Pudeat sub spinoso Capite
membrum esse delicatum.

S. Bern:

EX-

EXERCITIUM II.*De fervore in agendis bonis.*

1. O! Si tantô flagrarem zelô salutis meæ, quanto flagrat ipse DEUS! Qui nihil agit extra se, nisi propter nostram salutem. Omnia Divini cordis desideria, solitudines, ordinationes eò collimant. Confundere anima tepida, tux salutis incuria.

2. Age, quod agis. Opus Dei est: maledictus es, si facias negligenter. Dominum contemnit famulus, qui servit deside manu, averso vultu. An vilis merces est, quam spondet operariis? An solve-re

re non vult, aut non potest?
DEO laboras tanto, tamque
fideli Domino! imò tibi labo-
ras. Si parum seminas, parum
& metes.

3. Unum opus pro DEI glo-
ria factum, omnium Hero-
um præclaris facinorib[us] præ-
valet. Si vanitati tantō insu-
damus studiō, quantum dabi-
mus æternitati? Vide man-
cipia dæmonis, filios hujus
sæculi, si labori parcunt, si ce-
dunt ulli difficultati, si que-
runtur de sudore, quō gra-
tiam Principis; opes, aut ho-
nores lucrati sunt, & fortè
cum illis inferni pænas! An
vilius dæmone Christus JE-
SUS?

SUS? An cælum infernō post-
ponitur? Ah! infernus post-
hac meum erit gymnasium;
Sic amabo DEUM, ut eum
odit dæmon: ita DEO servi-
am, uti mundo servitur, &
dæmoni. Verè non est nimium.

*Perpende tuas actiones, in qui-
bus maxime tepidus es, & exci-
ta te facta reflexione ad primum
fervorem, quo servire DEO cæ-
peras aliquando.*

Spiritu ferventes, Domino
servientes. Rom. 12.

Quales imperus habebas ad
mundum, tales habeas ad Ar-
tificem mundi. S. Aug.

Ex.

EXERCITIUM III.

*De Conformatio*n*e voluntatis
cum Divina.*

Optima fortuna creaturae rationalis est, velle, quod ejus Creator vult. Anima, quæ non vult, quod vult DEUS, sibi nimium arrogat, DEO plurimum derogat. Velle, ut sit aliis rerum status, aut cursus, est velle, ut DEUS non sit Dominus. Quidquid contingit, DEO sic disponente contingit. An non æquum est, approbare, quidquid infinita Sapientia ordinat seu constituit.

2. Nihil ex divina voluntate

tate mihi accidit, quod non
sit in bonum meum. Et licet
ipse DEUS pugionem in cæ-
dem meam dirigeret, scio ma-
num ejus ex amore Paterno
dirigi. Quid eum timeo, qui
me diligit? Quid de frigore
aut æstu conquerar, de mor-
bo, aut bello, de fortunis, aut
agris direptis? hæc omnia na-
turam & nomen mutant, dum
per manus Divinas transeunt.
Mala tibi videntur, quia nec
causas eorum intelligis, nec
prævides eventum. Permitte
navi cursum, quem tenet, li-
cet in ea remos trahas: est,
qui ad clavum sedeat, omni-
busque provideat Nauclerus
DEUS.

3. Ne postules ea, quæ fiunt,
tuō fieri arbitratū. Amor pro-
prius tuum dementat judici-
um, ut velis tui causā muta-
ri ordinem Universi à DEO
tam sapienter dispositum. Tu
tibi vitam exoptas, at qui
hæreditati tux inhiant, mor-
tem tibi, sibique convenien-
tiorem esse judicant. Miles
bella, Cives pacem flagitabunt:
Nauta ventos, Colonus So-
lem inclamabit; Quis tot li-
tibus, & abeuntibus in con-
traria judiciis finem & mo-
dum ponet, nisi solus DEUS?
Attende potius mentem ad ea,
quæ tui sunt arbitrii, & hæc,
si lapis, emenda: Dementia
est,

est, velle componere, quæ non
sunt penes te.

*Abrenuntia propriæ voluntati,
Et ora DEUM, ut ejus voluntas
in te semper perficiatur.*

Ita Pater, quia sic placitum ha-
fuit ante te. Matthi. 11.

Ille placet DEO cui pla-
cet DEUS. S. Augusti

EXERCITIUM IV.

*De quietâ cùjusque per severantiam
in suo statu.*

i. **N**umquam artidet id,
quod sumus: Semper ci-
alli esse desideramus: Vir fa-
minas somniant felices, fa-
mina viros: Maritus de con-
jugio conqueritur, Clericus de

node Cælibatu; Religiosus in
tæculo facilius, sacerdotalis com-
modius in Religione salutem
se suam curaturum arbitratur.
Nempe obmurmuramus, &
magis solliciti sumus, quid
agamus: quam, ut bene aga-
mus. Quis erit in rebus crea-
tis ordo, quæ stabilitas, si sem-
per id fiant homines, quod
esse volunt? At ut unde jus
majus habes præ cæteris, ut
solus sis, quod esse vis?

2. Gratus est DÉO, qui fa-
cit, quod pro sua conditione
potest, ac debet. Quis tibi
persuasit, orando tantum nos
servire DÉO? Quisque suum
habet officium: nec à sace-
lari

lari DEUS exigit vitam reli-
giosi, nec à mendico diviti-
eleemosynas. Temerè jactas.
in alio te statu futurum per-
fectiorem, cùm nescias, quas
inibi tentationes dæmon, qua-
caro tricas, socii, superiores,
subditi, molestias tibi sint ob-
voluturi, ex quibus totus sta-
tus alteratur. Status, in quo
positus es, à DEO prævitus,
est tibi commodissimus om-
nium ad salutem: quem si
non assequeris, ex te perditio
tua est. Dic igitur cum Tho-
ma Kemp: Domine, da quod
vis, & quantum vis, & quan-
do vis; Tu scis quod melius
est.

3. Si conditione mea contentus vivo, cur tædet opera huic convenientia exhibere? Cur non ago, quæ agenda sunt? quid de molestia statui meo annexa conqueror? non esset prudens faber, qui de fuligine conqueritur: imprudentior æger, qui dolores ægræ fert: pauper, qui se contemni, affligi lamentatur: minus ingeniosus, qui se rideri, non applicari ejulat; hæc tuæ conditionis sunt oracula. Si robore, divitiis, ingenio præcelleres, non haberes hæc incommoda, sed alia maiora, quibus modo exemptus vivis. Committe rem DEO, vi-

98

Dies octavus.

rititer age & sustine Dominum
dispensantem talenta prout
vult, & cui vult.

Perfiste in statu, & omitte
querelas, quibus te turbas & alios,
memor verborum D. Pauli.

Unusquisque, in qua voca-
tione vocatus est, in ea per-
maneat. 1. Cor: 7.

Sufficis tu DEO, sufficiat
tibi DEUS; Homo, cuius
DEUS est, quid amplius quer-
rit. S. Cyprianus.

F I N I S.



IN-

INDEX

Dierum & Exercitiorum.

Dies I.

Exercitia.

I. De Fide.	-	5
II. De fine hominis.	-	8
III. De cura salutis.	-	10
IV. De non differenda conversione.	-	14

Dies II.

Exercitia.

I. De Morte.	-	18
II. De Judicio Extremo.	-	19
III. De Inferno.	-	24
IV. De Æternitate penarum inferni.	-	26

Dies III.

Exercitia.

I. De horrore peccatis.	-	30
II. De fuga peccati venialis.	-	33
III. De usu temporis.	-	36
IV. De usu gratiarum.	-	38

Dies IV.

Exercitia.

I. De usu Sacramentorum.	-	41
E 2.	II.	

II. De Sacro.	43
III. De Eleemosyna.	47
IV. De Exemplo.	50

Dies V.

Exercitias

I. De Praesentia Deo.	53
II. De Confidentia in Deum.	55
III. De dissidentia sui.	57
IV. De Respectibus humanis.	60

Dies VI.

Exercitias

I. De Amore Dei.	63
II. De Amore Christi.	65
III. De amore Proximi.	69
IV. De amore Inimicorum.	71

Dies VII.

Exercitias

I. De Imitatione Salvatoris nostri.	73
II. De Pteitate erga B. Virginem.	76
III. De Imitatione Sanctorum.	79
IV. De Paradiso.	82

Dies VIII.

Exercitias

I. De

I.	<i>De malis tolerandis.</i>	-	85
II.	<i>De fervore in agendis bonis.</i>	-	88
III.	<i>De conformatio[n]e voluntatis cum Divina.</i>	-	98
IV.	<i>De quieta cuiusque perseveran- tia in suo statu.</i>	-	94

5 Alia Distributio Horum Exercitiorum
6 per dies integri Mensis.

Exercitium Preparatorium.

De Fide. 8


Die

1.	<i>De fine hominis.</i>	-	8
2.	<i>De cura salutis.</i>	-	10
3.	<i>De non differenda conversione.</i>	-	14
4.	<i>De Morte.</i>	-	18
5.	<i>De Iudicio extremo.</i>	-	21
6.	<i>De Inferno.</i>	-	24
7.	<i>De eternitate Panarum inferni.</i>	-	26
8.	<i>De horrore peccati.</i>	-	30
9.	<i>De fuga peccati venialis.</i>	-	38
10.	<i>De usu temporis.</i>	-	36
11.	<i>De usu Gratiarum.</i>	-	38
12.	<i>De usu Sacramentorum.</i>	-	41

13.	De Sacro.	43
14.	De Eleemosynae	47
15.	De Exemplo.	50
16.	De Praesentia Dei.	53
17.	De Confidentialia in Deum.	55
18.	De diffidentia sui.	57
19.	De Respectibus humanis.	60
20.	De Amore Dei.	63
21.	De Amore Christi.	65
22.	De Amore Proximi.	69
23.	De Amore Inimicorum.	71
24.	De Imitatione Salvatoris.	73
25.	De Pietate erga B. Virginem.	76
26.	De Imitatione Sanctorum.	79
27.	De Paradiso.	82
28.	De malis tolerandis.	85
29.	De fervore in agendis bonis.	88
30.	De Conformatione voluntatis cum Divina.	91
31.	De Quietia cuiusque perseveran- tia in statu sui.	94



4
5
51
51
61
61
61
71
73
81
81
81
eis
91
n.
91





960459

2500,

**Bibliotheca
P.P. Camaldulensium in Bielany**

Depozyt w Bibliotece Jagiellońskiej



01626

e.I.19

志